

現代生活藝術系列

# 華嚴經疏論纂要 2

— 世主妙嚴品之一 —

華藏淨宗學會印贈

大方廣佛華嚴經疏論纂要卷第二

五臺山清涼國師澄觀疏鈔

太原方山長者李通玄論

閩鼓山私淑比丘道需纂要

世主妙嚴品第一之一

○疏大科分二。初解經題品目。二正釋經文。經題品目具如前釋。今正釋經文。準常三分。謂初品爲序。現相下。正宗。法界品內。爾時文殊師利從善住樓閣出下。明流通。序中就文分二。初此土序。二結通十方無盡世界序。初中復二。初證信

序。後爾時如來道場下。發起序。鈔二結通者。文在第五卷末。彼

文有三。初結此界。次結華藏內。後結華藏外。然此二序。廣如常解。今

但畧陳初證信者。若原其所由。則阿難請問。如

來令置如智度論。阿難請問者。智論第一二云。佛

樹間北首而臥。一心欲入涅槃。阿難親屬。愛心未除。未離欲心。心沒憂海。不能自出。爾時長老

阿泥樓豆語阿難言。汝是守佛法藏人。不應同凡人。自沒憂海。一切有為法。是無常相。汝莫憂

愁。又佛首付汝法。汝今愁悶。失所付事。汝當問佛。佛涅槃後。我等云何行道。誰當作師。惡性車

匿云。何共住佛經之首。作何等語。如是種種。未來要事。應當問佛。阿難聞是事已。心悶少醒。得

念道力。助於佛末後所臥床邊。以是事問佛。佛告阿難。若今現在。若我過去。依止念處。莫依止

餘。乃至廣說身受心法。除世間貪愛。又云。從今日後。解脫戒經。是汝大師。如解脫戒經說身口

意業。應如是行。又車匿比丘。如梵天法治。若心  
輒後。應敎迦旃延經。卽可得道。復次是我三阿  
僧祇劫所集法寶藏。是藏初首。應作如是說言。  
如是我聞。一時佛在某方某國土某處樹林中。  
是我法門初首。應作如是說。何以故。三世諸佛  
法經首皆稱是語。今我經初亦應稱此。如是我  
聞。一時。若覈其所以。意有六焉。一爲異外道故。  
外道經首皆立阿優。以爲吉故。此約如是。二爲  
息諍論故。智度論云。若不推從佛聞。言自制作。  
則諍論起。故今廢我從聞。聞從佛來。故經傳歷  
代。妙軌不輟。此局我聞。三爲離增減過。故佛地  
論云。應知說此。如是我聞。意避增減異分過失。  
謂如是法。我親從佛聞。文義決定。非謂傳聞有

增減失。四爲斷衆疑故。真諦引律云。結集法時。阿難升座。變身如佛。衆起三疑。一疑大師涅槃。重起二疑。他方佛來。三疑阿難轉身成佛。說此。如是我聞。二疑頓斷。旣言我聞。卽非佛明矣。上。二義通約信聞。五爲生信故。智論云。說時方人。令生信故。此局後四。六爲順同三世佛故。此通。六種。然信聞二事。文局初首義通九會。時主二種。文義俱通。處衆二事。文義俱局。隨相則爾。約實互融。然信聞二事下。料揀通局。謂如是我聞。唯經初有。而九會經如是法義。我皆得聞。時主俱通者。會會之初。皆云爾。時世尊等處。衆俱局者。摩竭非忉利天等處局。十佛刹菩薩。

列名異故。新舊菩薩亦不同故。衆局約實互上融者。一會卽一切會。何有衆等而不通耶。

來畧依三分二序。然此經體勢少異。今爲四分。初舉果勸樂生信分。二修因契果生解分。三託法進修成行分。四依人證入成德分。就第一舉果分中。或科爲十。一教起因緣分。卽初一品。二大衆同請分。三面光集衆分。四毫光示法分。五眷間出衆分。已上在第二品內。六普賢二昧分。七諸佛同加分。八法王起定分。九大衆重請分。已上在第三品內。十正陳法海分。在後二品內。若以義從文且分爲三。一教起因緣分。二現相

下。說法儀式分。三世界成就下。正陳所說分。就  
初分中。亦分爲十。一總顯已聞。二一時下。標主  
時處。三始成正覺別明時分。四其地下。別顯處  
巖。五爾時世尊下。教主難思。六有十佛世界下。  
衆海雲集。七從爾時如來道場下。稱揚讚德。八  
爾時如來師子座下。座內衆流。九爾時萃藏下。  
天地徵祥。十如此世界下。結通無盡。今初  
如是我聞。

疏如是我聞者。謂如是一部經義。我昔親從佛聞。  
故佛地論云。謂傳佛教者言如是之事。我昔曾聞。

此上總合信聞。若離釋者。先釋如是。信成就也。智論云。佛法大海。信爲能入。智爲能度。信者。言是事。如是不信者。言是事不如是。故肇公云。如是者。信順之辭也。信則所言之理順。順則師資之道成。經無豐約。非信不階。故稱如是有云。聖人說法。但爲顯如。唯如爲是。故稱如是。此唯約所詮之理。次真諦三藏云。真不違俗名之爲如。俗順於真稱之爲是。真俗無二。故稱如是。此約所詮理事。若華嚴宗。以無障礙法界曰如。唯此無非爲是。一我聞者。聞成就也。將欲傳之於未聞。若有言而不傳。便是徒



設不在能說。貴在能傳。故次明我聞。我卽阿難聞。謂親自聽聞。云何稱我。卽諸蘊假者。雖因耳處。廢別從總。故稱我聞。法雖無我。言語便故。隨順世間。故稱我聞。非邪慢心。而有所說。若依無相。我旣無我。聞亦無聞。從緣空故。而不壞假名。卽不聞聞耳。

鈔無相宗。含於三教。謂始教。頓教。實教。謂若但云我旣無我。聞亦無聞。卽大乘初門。爲始教意。若云能所雙寂。無聞不聞。亦無我不我。離念頓顯。卽頓教意。其從緣空。故有二。一者向上。成前二教。無我所以。二者向下。不壞假名。卽不聞之聞。爲實教意。謂事理無礙。故聞卽不聞。無二義故。若約

法性。此經旨趣。傳法菩薩。以我無我不二之真我。根境非一異之妙耳。聞無礙法界之法門也。約法性宗

辨而但明圓教中意。言以我無我不二之真我者。含兩經意。一者淨名云。於我無我而不二。是無我義。二者涅槃云。無我法中有真我。是故敬禮無上尊。正當今意。卽口順世間心造真境。真自在我根境。非一異之妙耳者。以根與境共爲緣起。因根說境。因境說根。互相融卽。故曰非異兩相歷然。故曰非一。斯爲妙然。阿難所不聞經。或云晨轉傳聞。或耳。何所不聞。云如來重說。或云得淡三昧。自然能通。阿難下釋。有問言。阿難是佛得道夜生。年滿二十。方始出家。年至三十。如來方命以爲侍者。自二十年前。如來所說阿難不聞。何以經初。皆言我聞。故爲此答。上皆就迹而說。實是大權菩薩。影響弘傳。如不思議境界經。斯爲良證。但隨機教別。故見聞不同。如不思議者。彼經云。爾時復會坐。其名曰。舍利弗。目犍連。乃至云。阿難。提婆達多。跋難陀等。而爲上首。皆已久修六波羅密。近佛

菩提爲化衆生於  
雜染土現聲聞形

○第二標王時處

一時佛在摩竭提國阿蘭若法菩提場中

〔疏〕王時處者。卽三成就言一時者。時成就也。時者亦隨世假立時分。一者棟異餘時。如來說經時有無量不能別舉。一言畧周。故云一時。如涅槃云。一時佛在恆河岸等。卽法王啓運嘉會之時也。亦可機教一時。謂上言如是言雖當理。若不會時。亦爲虛唱。今明物機感聖。聖能垂應。凡聖道交。不失良機。故云一時。佛者。王成就也。具云勃陀。此云覺者。

謂自他覺滿之者。雖具十號佛義包含。故偏明之。

義見題中。

鈔佛者下。若言菩提。但稱為覺。若云佛陀。此云覺者。然覺有三。一自覺。謂雙覺。

事理。如睡夢覺。如蓮華開。此揀凡夫。二者覺他。揀異。二乘。三者覺滿。揀異菩薩。故云自他覺滿之者。

若禪觀說。亦云離心名自覺。離色名覺他。色心俱離為覺滿。以依起信。心體離念。名本覺。故題中有

此義。釋之。在摩竭下。處成就也。真身無在而無不在。故

次辯之。

真身無在下。總顯大意。言無在者。體相寂寥。離能所。故無不在者。體圓徧。故下經

云。譬如虛空徧至一切色非色處。非至非不至。何以故。虛空無身故。如來亦爾。徧一切法。徧一切衆

生。徧一切國土。非至非不至。何以故。如來身無身故。為衆生故。示現其身。又無在。即體無不在。即用

體用無礙。摩竭提國者。通舉說處。此云無毒害。以故為真身。

國法無刑戮。故表能化法。或云徧聰慧。聰慧之人。

徧其國故。表所化機。阿蘭若法者。別舉說場也。阿  
蘭若者。此云無諠諍。卽事靜也。法者。所證眞理。二  
障業苦。諠雜斯盡也。事理俱寂。故加法言。菩提場  
者。菩提云覺。卽能證大智圓明究竟也。場者。證菩  
提之處也。然事處卽天地之中。王舍城之西二百  
里。金剛座上約法。則萬行皆是道場。理智相會之  
所故。爲表所說如所證。故不移其處說之。爲表所  
說下釋  
處所以表自心中所證。  
非是隨宜。故不移證處。

○第三別明時分

始成正覺

疏前標一時未知何時。故今別顯。是初成佛時。亦彰大師出現時也。此教勝故。衆教本故。在於初時。初言尙總。幾日之初。九會之文。同此初不畧爲三解。一約不壞前後相說。纔成初七說前五會。第二七日說十地等。第九一會乃在後時。以祇園身子皆後時故。常恆之說不妨後時。雖能頗說有所表故。初五信解行願。最在初故。故皆云不離道樹。第六會因地證位。居其次。淡故無不起菩提樹言。法界極證。最在於後故。亦顯二乘絕見聞故。雖異處別時亦不相離。爲寄穢土以顯淨故。須前後耳。若

爾世親那云。初七不說。但思惟行因緣。行耶。世親  
纔見十地。卽爲論釋。或則未窮廣文。或則知見有  
異。未全尅定。菩提流支。意大同此。鈔若爾世親下  
會論文。言思惟  
行因緣。行者。因謂自所得法。緣謂所化之器。欲將  
已所證法爲衆生說。名爲行因緣。行。故法華經云。  
我所得智慧。微妙最第一。衆生諸根鈍。著樂癡所  
盲。如斯之等類。云何而可度。等是也。彼思不得一  
乘機。今思卽得。一乘機爲異耳。二順論釋。九會皆在二七日後。二  
七非久。亦名始成。三約實圓融釋。皆在初成一念  
之中。一音頌演。七處九會無盡之文。海印定中。一  
時印現。約實圓融。卽賢首國師意。以應機出世機。感卽應。應卽  
有說。無非時失。故祇園身子。蓋是九世相收。重會

之言亦猶燈光涉入

故祇園身子下通妨難謂有問言若初成頗說初成未度

身子等衆何處得有五百羅漢故今答云九世相

收次有難云祇園身子等縱許九世相融一念一

時何有重會前時後時方有重故故今通云重會

之言亦猶燈光涉入如點燈盞似有後有前發光

之後光無前後而相涉入今重會義但似燈故法

光一時之中不妨兩會法則有重時不重也故法

界放光亦見菩薩徧坐道場成正覺故

法界品內見坐道場

初成正覺明知法界同初會時約佛赴機無時不說望器無感未

曾有說登地恆見常說一味之經就佛而言無說

不說若攝方便皆一乘之印現差別耳無涯之說

不應局執上顯時分次釋成正覺義約教不同小

乘三十四心斷結五分法身初圓名成正覺是實



非化

小乘已下。別明五教。一。小乘三十四心者。如婆沙八十二說俱舍根品云。傳說菩薩三

四心。便成佛。故言三十四心者。見道一十六心。謂八忍。八智。離有頂。食有十八。念謂斷有頂惑。有九

無間。九解脫道。如是十八。足前十六。成三十四。一切菩薩決定先於無所有處已得離貪方入見道。

不復須斷下地煩惱。唯斷有頂一地之惑。但三十四心。一坐成佛五分法身初圓者。即戒定慧解脫

解脫。知見如十藏品是。大乘之中。約化八相示成實。非化者。揀異大乘。

約報。十地行滿。四智創圓。名曰始成正覺。第二始教也。

據實。即古今情亡心無初相。名之曰始無念而照

目之為正。見心常住。稱之曰覺。始本無二。目之為

成。第三約法身自覺聖智。無成無不成。第四頓教

無不成者。經云。譬如世界有成壞。而其虛空不增減。一切諸佛成菩提。成與不成。無差別。既無有成

意。言無成

意。言無成

意。言無成

意。言無成

意。言無成

意。言無成

意。言無成

何有不成。又體湛寂。故曰無成。不礙隨緣。故無不成。卽成頓教意。若依此經。以十

佛法界之身雲。徧因陀羅網。無盡之時。處念念初

初為物而現。具足主伴。攝三世間。此初卽攝無量

劫之初。無際之初。一成一切成。無成無不成。一覺

一切覺。無覺無不覺。言窮慮寂。不壞假名。故云始

成正覺。如出現品及不思議法品廣顯。攝前諸說。

皆一乘之所現也。第五圓教。言以十佛法界之身

前。言念念初初為物而現者。卽體之應。應無盡時。

生感卽成。念念機感。念念成矣。成既不已。故曰初

初。一成一切成者。事事無礙。故出現品云。如來

來成。卽衆生成矣。况佛佛平等。一切成佛。又於一

處成。卽一切處成。故十地中第十願云。願於一切

世界成阿耨多羅三藐三菩提。不離一毛端處。於一切毛端處皆悉示現等。又云。如於此處見佛坐。一切塵中亦如是。佛身無去亦無來。所有國土皆明現等。

論從如是我聞下。至如是無量功德。於中有七十一行經。長科爲四分。一從如是我聞。至始成正覺。總明斷疑成信分。如是我聞。一時佛在菩提場。始成正覺。總爲六句。今言如是者。如卽如佛所言。是者是佛所說。簡非異說。兩名相順。契信不殊。明真是佛說。非阿難自說。亦非魔梵所說。又我聞一句。是阿難從佛所聞。非轉轉傳聞故。亦非是非人所制故。又非如外道經書。青鳥銜來。石崖崩得故。此

是斷疑成信。又一切法如也。以法體如。所說法者。及法亦如。以法界智是所聞之智。智亦如故。故言如是。心境不二。方聞佛所說經。若心境有差。不可聞佛所說。亦復不能信順。領受故。我聞者。是法界智之真我。還見法界智之真佛。還聞法界智之真經。總法界智之真人。互爲主伴。還化法界之真衆生。悟入法界智之真性。故言如是我聞。一時者。依諸古人說。正說法華經時。說金剛經時。非是說餘經時。名爲一時。取正說當部經時名爲一時。今此說華嚴經時。卽不爾。卽是以法界體。寄言一刹那。

際。出世及涅槃。以一言音。一時徧周十方國土轉法輪時。名爲一時。非如上說一時之義。佛者覺也。覺有二義。一始覺。二本覺。此佛者。覺無始終。三世障盡。名之爲佛。不如權教。有出世涅槃。有始終故。又佛者。大智度論中有四義。一名有德。謂婆伽名德。婆名有故。二名巧分別。婆伽名分別。婆名巧故。二名有名聲。婆伽名名聲。婆名有故。四名能破婬怒癡。婆伽名破。婆名婬怒癡故。又佛地論說有六義。頌云。自在熾盛與端嚴。名稱吉祥及尊貴。如是六種義差別。是故總號婆伽婆。在者在何處。所在

有二義。一指事。二舉法。指事者。在摩竭提國。且指其國。二舉法者。在何處。在法界。卽事卽法界。無二故。爲法界無中邊大小彼此故。又摩竭提者。此云不害國。摩者。云無。竭提者。云害。總云無害國。又云摩者。不也。竭提者。至也。言其此國。將謀兵勇。鄰國不能侵。又摩者。徧也。竭提。云聰慧。此國爲多有聰慧人。徧其國內故。又云。摩者。大也。竭提者。體也。謂五印土中。此國最大。統攝諸國。故云大體也。又此國王。不行刑戮。其有辜者。送置寒林中。爲唎佛大悲。以處表德故。阿蘭若法。此云寂靜處。寂靜有二。

義一事。二理。一事者。在摩伽陀國尼連河側漚樓  
頻螺聚落中。去人間五里。一牛吼地。得阿耨多羅  
三藐三菩提。此處有一萬道場神。常在其處。一切  
諸佛示成正覺。總在其中。表如來萬行圓滿。中道  
無偏故。此處是閻浮提之中心故。二理者。卽一切  
法自體靜故。卽動而常靜故。菩提道場者。有二義  
故。一事。二理。一事者。如前尼連河邊。二理者。徧法  
界也。法界無邊。道場亦無邊。於一切刹。皆示成佛  
故。如世間場簡穢故。法場治惑故。示現成佛。治衆  
生惑故。此場依主釋。爲佛在其中現成道故。依主

得名爲覺場也。始成正覺者。古今情盡。名之爲始。心無所依。名之爲正。理智相應。名之爲覺。得如是法。名之爲成。又自覺覺他。名之爲覺。

論四分中第一釋。斷疑成信分竟。

○第四別顯處嚴者。然此下處主及衆。卽三世間嚴。三中前二。卽如來依正衆。卽淨土輔翼不空。

鈔第四別顯處嚴中。卽如來依正者。別顯處嚴是依。教主難思。是正衆。海雲集是衆。輔翼不空者。菩薩卽十八圓滿中。輔翼圓滿。不空。卽眷屬圓滿。謂淨土中。無有四趣龍鬼等衆。是佛欲示淨土不空故。今初器界嚴者。卽廣於前場之嚴。顯成前覺之妙。異於餘經之處。於中四事。各十種嚴。



明卽染顯淨卽爲四別。第一地巖。第二樹巖。第三宮殿巖。第四師子座巖。然此諸巖各具三釋。一約事可知。二表法。謂地表心地法身。樹表菩提。宮殿表無住涅槃。座表法空等。三就因行。謂一以窮心地法身之因。報得增上金剛之地。二以般若爲因。三以悲智相導爲因。四亦以法空爲因。然或一因行成一切巖。或一切行成一巖。或一行成一巖。或一切行成一切巖。以通融別。純雜無礙。今但明一行一巖。顯所表故。然各攝無盡之德。故四事皆有十句。今初地巖。

其地堅固。金剛所成。上妙寶輪。及衆寶華。清淨摩尼。以爲嚴飾。諸色相海。無邊顯現。摩尼爲幢。常放光明。恒出妙音。衆寶羅網。妙香華纓。周布垂布。摩尼寶王。變現自在。雨無盡寶。及衆妙華。分散於地。寶樹行列。枝葉光茂。佛神力故。令此道場。一切莊嚴。於中影現。

〔疏〕初心地十句分四。初一總顯地體。標以堅固。釋以金剛。諸教或云木樹草座。多云座是金剛。今全地金剛。則權實斯顯。徹華藏故。廣如彼品。鉢藏者以華嚴世界大蓮華地。金剛所成故。次上妙下地相具德。約因釋者。一寶輪者。一攝一切圓行致故。二及衆寶華。開覺

悅他故。三清淨摩尼圓淨明徹故。以上三行用嚴  
心地。故結云。以爲嚴飾。上皆形色。四卽顯色。謂青  
黃等殊。名諸色相。種種重疊。淡廣如海。互相映發  
等。彼波瀾。或諸色俱生。或更相攝入。含虛瑩徹。現  
勢多端。名無邊顯現。此由隱顯自在。定散無礙。隨  
機利行之所致也。二摩尼下。明地上具嚴。一寶幢。  
曲有五句。一摩尼爲體。二三光音明用。四五網纓。  
辨飾。就因行者。降魔伏外爲幢。智光常照。慈音外  
悅。願行交羅。戒香芬馥。四攝周垂故。二摩尼雨寶  
表神通如意。隨機變現。雨法寶故。三妙華散地。亦

多因行徧嚴心故。四寶樹行列者。德行建立故。四佛神力下。舉因結用。佛力者。出所因也。嚴具多門。別說難盡。故總云一切影現者。或於樹中現。或於上諸嚴具及地中現。明一一行中。皆道場故。

○第二樹嚴

具菩提樹高顯殊特。金剛爲身。瑠璃爲榦。衆雜妙寶以爲枝條。寶葉扶踈。垂蔭如雲。寶華雜色分枝布影。復以摩尼而爲其果。含暉發燄。與華間列。其樹周圍。咸放光明於光明中。雨摩尼寶。摩尼寶內有諸菩薩。其衆如雲。俱時出現。又以如來威神力故。其菩提樹

恒出妙音。說種種法。無有盡極。

〔疏〕覺樹巖者。卽大智因感。有十一句。分四。初一總顯高勝。長聳迴露圓妙。獨出故。約因卽智超數表。爲高。本性不昧爲顯。成物具德曰殊。更無二眞爲特。約果。樹卽菩提。鈔按西域記長一百尺卽罪鉢羅樹。一金剛下六句。明體攝衆德。一身是金剛。金剛三昧。本智因故。正行成立爲樹身也。二幹是璠璃。本智發解。內外明徹故。三雜寶枝條解隨境差故。四條假葉以爲巖。智資定而深照。寶葉雖異。共成一蔭。百千定門。同歸一寂。自蔭蔭他也。五寶華異色。在樹分枝。承

光則色同。於地布影。表神通等法。依定有差。俱承  
智光影現心地。表神通等法者。卽淨行品。若見花  
開當願衆生神通等法。如華開敷  
六華雖不同。果皆如意。無邊行海。同趣菩提。若自  
利果成。內則含輝。若身心湛寂。外便發燄。若觸境  
斯明。若利他果立。未熟則含輝。解生佛相。已熟則  
發燄。還流教光。體如之行所成。果無異因之果。故  
與華間列。故下經云。菩薩妙法樹。生於直心地等。  
故下經云。菩薩妙法等者。等取下文云。信種慈悲  
根。智慧以爲身。方便爲枝幹。五度爲繁密。定葉神  
通華。一切智爲果。最上力爲鳥。垂陰覆二界。釋曰。  
此五十九經。所以引者。意明表法皆有文據。非是  
臆說。三其樹下三句。明妙用自在。展轉成益。初依菩

提智放教智光。次依智光。兩圓明法寶。後教成悲智。卽菩薩現前。無心行成。故如雲出。四又以下。一句舉因結用。謂佛方爲因。流音演法。以如如力。則智演法音。音還如性。故無盡極。廣多故無盡。豎長故無極。無間故稱恆也。

○第三宮殿巖

如來所處宮殿樓閣。廣博嚴麗。充徧十方。衆色摩尼之所集成。種種寶華。以爲莊校。諸莊嚴具。流光如雲。從宮殿間。萃影成幢。無邊菩薩道場衆會。咸集其所。以能出現諸佛光明。不思議音。摩尼寶王而爲其網。

如來自在神通之力。所有境界皆從中出。一切衆生居處屋宅皆於此中現其影像。又以諸佛神力所加一念之間悉包法界。

疏佛宮殿嚴十句分四。初一總明分量。宮可覆育。卽是慈悲。殿可朝宗。所謂圓寂。悲智相導。若樓閣相依。廣者無邊。法無外故。博者不隘。法內空故。嚴者莊飾。具衆相故。麗者華美。法義備故。克十方者。稱法性故。二衆色下二句。體相圓備。一體是摩尼。積德鎔融之所成故。二相嚴多種。神通等法。悲寂用故。三諸莊嚴下六句。妙用自在。一衆行發光灑。



法如雲。雲更多義。至下當辨。一光幢獨出。萃者聚也。卽承光聚影而成。謂悲寂交際。承智起應。降魔超出故。二內容衆海。無邊菩薩。卽道場外者。亦在其中。卽依中有正。亦果中有因。卽明涅槃。衆聖冥會。鈔卽明涅槃等者。無有一聖不證涅槃。猶如百川。皆歸大海。故肇公云。恬焉而夷。怕焉而泰。尤流於是乎。交歸衆聖。於是乎冥會矣。四聲光寶網。網者爲防禽穢。以益殿嚴。猶大教網。外防惡見。內益悲寂。教皆圓妙。以寶而成。故能出佛智光。圓音妙說。言不思議音。畧有四義。一音聲繁廣。二所說難量。三聲卽無聲。四一具一切。五出生果用。卽正報大用。在此依中。

依正混融參而不雜。明依大涅槃能建大義。故曰  
出生六無染現染。衆生是正。居處是依。染違性淨。  
不言出生。妄無自體。還依真現。四又以下。舉因顯  
廣。謂德廣難陳。故今總結。由佛力故。一念頓包事  
理染淨一切法界。况多念耶。然上克徧十方。卽通  
局無礙。集菩薩衆。出佛神通。卽攝入無礙。現生舍  
宅。卽染淨無礙。悉包法界。廣陔無礙。一念卽能延  
促無礙。又集菩薩因果無礙。出佛神通。依正無礙。  
十種宮殿。此應說之。

十種宮殿者。亦約表法之宮殿耳。亦同上文妙法樹矣。卽

○第四師子座巖

其師子座高廣妙好。摩尼爲臺。蓮華爲網。清淨妙寶。以爲其輪。衆色雜華。而作瓔珞。堂榭樓閣。階砌戶牖。凡諸物像。備體莊嚴。寶樹枝果。周迴間列。摩尼光雲。互相照耀。十方諸佛。化現珠王。一切菩薩。髻中妙寶。悉放光明。而來瑩燭。復以諸佛威神。所持演說。如來廣大境界。妙音遐暢。無處不及。

疏師子座巖十句分四。初一總顯形勝。師子座者。人中師子處之。又說無畏之法。故得法空者。何所畏哉。空乃高而無上。深不可測。廣而無外。邊不可

窮妙乃卽事而真好謂具德無缺。一摩尼下六句。體德圓備。一臺座摩尼卽處正中。正可依處。摩尼隨映有差。法空隨緣成異。中道妙理。正是可依。二周座華網卽外相無染。交映本空。三淨寶爲輪。輪謂臺之處中。周匝輪圍。卽具德周徧。四華纓周垂。諸覺諸通垂化。周攝。鈔諸覺諸通者。淨名云。覺意淨妙華。淨行品云。神通等法。如華開敷。五寶嚴填飾。堂等畧舉。凡諸總包。無處不嚴。故云備體顯於法空。全收萬像。無事非理。故六寶樹間飾。間上物像也。卽菩薩妙法樹。隨化分枝。隨因感果。竝依無相義。曰周迴。凡聖相資。名爲間列。

三摩尼光下二句。妙用廣大。一淨寶出光。如雲涉入。法空亦爾。一一智中知一切法。一一法體顯一切智。爲互照也。理如一智中者。如一實智。知徧法界。無不知也。一一法體者。如於一塵。能顯實智。權智。中道智。證智。教智。無邊智門。二王伴寶用。互相發揮。謂佛化摩尼。能作佛事。智論云。輪王寶珠。但隨人意。能雨寶物。天寶堪能隨天使令。佛寶十方能作佛事。菩薩寶珠。亦能分作。如文殊師利冠中毘楞伽寶珠。十方諸佛於中顯現。今菩薩髻珠。卽是其類。下文雲集菩薩。髻珠亦爾。用此嚴座者。凡初成佛。皆一切諸佛現形灌頂。一切菩薩

親授敬養。故因果寶珠俱來瑩燭。如來從果起用。

故云化現理圓解滿。義曰珠王菩薩心頂智照圓。

淨故曰誓中妙寶寂照。照寂皆瑩淨照燭。用此嚴座下出

嚴所以言寂照照寂者準纓絡經妙覺方稱寂照等覺照寂今菩薩寶義同照寂如來寶珠即當寂

照四復以下一句佛加廣演佛境如空故云廣大

有感斯至為無不及。顯教皆從法空所流。是故所

流還周法界。非智不顯。故云佛力已上顯處嚴竟

**論**二從其地堅固下。至妙音遐暢無處不及。是莊

嚴道場分。此一段文中。明如來本性中行四種因

感四種果報。何者為四。第一明法身因。報得金剛

地果。經云其地堅固者是也。其地上有十種莊嚴。卽以十波羅蜜以成依報。金剛地爲正報。第二明萬行因果者。其如來自行普賢行爲因。所招寶樹行列莊嚴金地周徧十方爲依果。故經云。令此道場一切嚴具樹中現像者。明覺行相徹。體用徹。故此總陳樹上莊嚴。後別舉菩提樹一箇。用明衆樹亦爾。其菩提樹有十種依果者。常以金剛地爲正報。其上莊嚴爲依報。又如來身爲正報。金剛地及地上一切莊嚴爲依報。今樹者。以如來行爲因。因行招報。樹爲依報。又樹上其樹金剛爲身。金剛爲

正報。榦枝條葉華果爲依。明以行樹法華智果。慈悲之葉。以十波羅蜜爲枝榦。法身以爲其莖。而隨十行之上。報得十種依果莊嚴。其十種依果莊嚴。如經第三明大悲因果者。以如來大悲爲因。如來所處宮殿爲依果。此中有五種德而共成之。一如來大悲含育德以成其宮。二以正智利衆生德以成其殿。三以智觀照利自他德能成其樓。四以大智知根設教益生德能成其閣。五以大悲弘願周徧利生德。報得宮殿樓閣。周徧十方。以十波羅蜜行隨大悲生。復成十種依果。何者爲十。以隨法身。



隨萬行。隨大悲。隨大智。所招依果。各自區分。不相障礙。猶如大地。生諸卉木。地唯是一。萬像不同。如水資生。喻思之可見。但十波羅蜜。理唯一性。隨其法身萬行。大悲大智。報自差殊。故如法身大願。大悲大智。十波羅蜜。廢一不可。至八地已來。其功未熟。若廢一。卽一切不成。欲學佛菩提者。如此通融。不修一行。若偏修理。卽滯寂。偏修智。卽無悲。偏修悲。卽染習。便增。若但修大願。卽有爲情起。菩薩於此衆行。不去不畱。以法性均融。得所卽得。以定慧力善觀察之。不可懸情斟酌。長諸癡愛。其十種行。

爲十種依果莊嚴者。如經第四明如來大智隨萬  
行因果者。卽智通萬行。出現世間示成正覺。爲正  
因也。師子座爲依果。從其師子座一段。文中義分  
爲三。一釋座名。二陳座高廣。三明座上莊嚴因果。  
一釋座名師子者。依王釋。如來於大衆中得無畏  
故。非於座上有師子莊嚴設有者。但名依報故。二  
陳座高廣者。經但言高廣。不言量數。今以例比之。  
如下十任位中帝釋天宮佛座。高十千層級。十行  
位中夜摩天宮佛座。高百萬層級。十迴向位中兜  
率天宮佛座。高百萬億層級。高廣隨位。各各相稱。

以次類之。十地之位。他化天宮。其座高億萬億層級。彼天宮已超化樂故。第三禪中說十一地。又超二天。倍倍更高。十地品。不言佛座層級高廣之量也。但以次類之。此之四位佛座高下層級不同者。以明隨十住。十行。十迴向。十地。進修階降。隨位所見。高下不同。以實而論。佛座高廣。無有決定大小。高下可得。爲如來心量盡所繫。故無有量也。所招依果。亦不可以量度。故如無邊身菩薩。量佛身際。不可得。故已出情際。心數量。故以此義。故住毛孔中。而身不小。居法界中。而身不大。爲情量盡。故身

若隨類。及座高廣。座亦隨類。若以如來自報體而言。以法界爲座體。因旣如是。依果亦然。故亦非可量。如法界品中。等于法界座量爲定。三。明座上莊嚴因果者。畧有十種。皆以如來智隨萬行。一切處示成正覺爲因。一切處十種莊嚴爲依果故。十種如經 第二釋莊嚴道場分竟

大方廣佛華嚴經疏論纂要卷第二

光緒乙亥年鷺江葉徵瑞堂重修

建安桂林善坊弟子郡庠廩生謝龍錦  
同室梁氏范氏捐貲刊刻  
大方廣佛華嚴經世王妙嚴品疏論纂  
要第二卷永遠流通伏願早登科第長  
爲法苑金湯綿遠箕裘永作廟廟柱石  
繁禧天錫純嘏遐昌者  
康熙己未年九月朔旦  
華藏室謹題